

Der selben teufel waren siben  
Do ich chom zu im gegangen  
Mit sunden groz, was ich umb vange  
Minneleich er mich enpfing  
Do ich manud zu im gieng  
Waschen hez er mich sein fuzze  
Mit meimen zachern der vil fuzze  
Von meimen sunden pin ich erlost  
Vnd mich mit suzzen Worten trost  
Daz muz ich im genade sagen  
Vnd seinen tod mit laide chlagen  
Ich vnd auch mein liebe swester  
Wir hefen vn zu einem maister  
Vnd zu einem herren erhorn  
Nu hab wir vn laider uerlorn  
Awe nur vil armen weib  
Daz ich nu alain beleib  
An sein hilfe vnd an seine rat  
Der mein sele erlost hat  
Awe mir vil armen sunderme  
Wo sol ich nu suchen minne  
Wo sol ich nu suchen rat  
Vmb mein grozze missetat  
Awe wer sol mir nu lere geben  
Vmb mein vil suntiges leben  
Awe solt ich mit im sterben  
Ich muz laider gar uerdeiben  
Awe sein vil grozze trewe  
Dv machet meinem hertzen rewe  
Awe sein vil suzze lere  
Dv muz mich vmmet rewen sere  
Awe mich rewet dv suzze rede  
Dv er ofte zu mir tete  
Sein schoner leib sein suzzer mund  
Macht mem hertze mit iamer wunt  
Awe die liebe frawe mein  
Dv maget vnd dv muter sein  
Was sol ich nu vil arme ton  
Dv nu verlorn hat wen sun  
Ich furht daz sy lige tot

Vmb sein grozze marter not  
Martha vnd auch der maget swester  
Wainten vmb Jesum iren maister  
Chlagten auch vnd ander frawen

Dv dan chomen waren schawen

**A**llhie furt Johannes maria haym  
In sein haus gem Terusalem

**J**ohannes zu maria chom  
Jesum muter vnd sey nam  
In sein haus vnd furt sey haym  
In der stat zu Terusalem

Do dient er ir mit ganzem trewen  
Vnd trost sey auch an iren rewen

**A**llhie für dy sele Jesu zu der helle

**O** Jesu christ gelant den tod  
Dv selle mit grozzer marter not  
Von dem leibe was geschaiden  
Dv gothant belant doch bei vn parde  
Dv sele fur abe zu der helle  
Vnd nam dv gothant zu gefelle  
Den teufel er do mdr pant do pant  
Dv heyligen alle dv er do vant  
Erlost er vnd alle von danne furt  
Vnd der helle porte zestort  
Vnd sant sy in daz hymelreich  
Daz do lebten sy ewichleich

**H**ie erstund Jesus uon dem tod

**A**n dem dritten tag dv sele chom  
Zu dem grab vnd wider nam  
Seinen heyligen leichnam do an sich  
Vnd wart lebendig vnd vntotleich  
Do dv sele den leib enpfing  
Zu dem grab lebendig gieng  
Von dem tod Jesus erstuend  
Got vnd mensch gieng her aus  
Daz grab wart nicht auf getan  
Do von dem tod christ wolt erstan  
Erpidem wart in allen landen  
Do uen dem tod got was erstanden  
**A**llhie erschein Jesus seiner muter